



Na osnovu člana 2.12 stav (5) Izbornog zakona Bosne i Hercegovine („Službeni glasnik Bosne i Hercegovine“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) (u daljem tekstu: Izborni zakon), uskladu sa članom 7. Uputstvom o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, br. 1/22 i 13/22)), (u daljem tekstu: Uputstvo) i Odlukom o objavljivanju javnog oglasa za imenovanje dva člana Općinske izborne komisije Općine Trnovo broj: 01-02-4513 od 30.12.2022. godine), Općinsko vijeće Trnovo, objavljuje

JAVNI OGLAS

za imenovanje dva člana Općinske izborne komisije Općine Trnovo

I

Raspisuje se Javni oglas za imenovanje dva člana Općinske izborne komisije Općine Trnovo. Članove Općinske izborne komisije Općine Trnovo (u daljem tekstu: OIK) imenuje Općinsko vijeće Trnovo, uz saglasnost Centralne izborne komisije Bosne i Hercegovine. Mandat članova izborne komisije traje 7 (sedam) godina i teče od dana davanja saglasnosti Centralne izborne komisije Bosne i Hercegovine na odluku Općinskog vijeća o imenovanju članova OIK.

II

Kandidat za člana Općinske izborne komisije treba ispunjavati sljedeće opće uslove:

1. da je osoba sa pravom glasa;
2. da je osoba sa odgovarajućom stručnom spremom.

III

Pored uslova iz člana 2. ovog oglasa, osoba koja je kandidat za člana Općinske izborne komisije mora ispunjavati sljedeće posebne uslove:

- a) da ima prebivalište na području Općine Trnovo;
- b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS i
- c) da posjeduje iskustvo u provođenju izbora.

Pod iskustvom u provođenju izbora podrazumijeva se:

- a) članstvo u izbornoj komisiji i /ili
- b) članstvo u biračkom odboru na izborima obuhvaćenim Izbornim zakonom BiH.

Izuzetno, u općinama koje imaju do 700 upisanih birača, član izborne komisije može biti lice sa prebivalištem iz druge susjedne općine, ukoliko u općini za koju se imenuje izborna komisija, nema prijavljenih kandidata koji ispunjavaju uslove tražene javnim oglasom, a radi primjene člana 2.14 stav (1) Izbornog zakona BiH, vodeći računa o posljednjem popisu stanovništva.

Izuzetno, član izborne komisije može biti lice koje ima završenu višu školu, odnosno VI stepen stručne spreme ukoliko se radi o općini koja ima manje od 2.000 birača upisanih u Centralni birački spisak ili se radi o ponovnom izboru (reimenovanju) člana izborne komisije odnosno ako je potrebno ispoštovati odredbe člana 2.14 stav (1) Izbornog zakona BiH.

Odredbe ovog stava se ne primjenjuju u slučaju imenovanja člana izborne komisije u skladu sa prethodnim stavom.

IV

U skladu s odredbom člana 2.14 Izbornog zakona, sastav OIK je multietničan, tako da odražava zastupljenost konstitutivnih naroda, uključujući i ostale, u izbornoj jedinici za koju se tijelo nadležno za provedbu izbora osniva, vodeći računa o posljednjem popisu stanovništva provedenom na državnom nivou.

U skladu sa članom 2.2. Izbornog zakona, u sastavu OIK osigurat će se zastupljenost spolova u skladu s Zakonom o ravnopravnosti spolova u Bosni i Hercegovini osim ako se izborna komisija sastoji od tri člana kada ravnopravna zastupljenost postoji u slučaju kada je jedan od polova zastupljen s 1/3 od ukupnog broja članova.

V

Član izborne komisije može biti predsjednik ili sudija redovnog suda, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2 Izbornog zakona BiH, a nemaju smetnji iz člana 2.3 Izbornog zakona BiH.

Za člana izborne komisije ne može biti imenovano lice obuhvaćeno članom 2.3 Izbornog zakona BiH, kao ni lice koje obavlja izvršnu funkciju, kako je utvrđeno odredbom člana 1.8 stav (6) Izbornog zakona BiH, niti lice koje je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.

VI

U skladu s odredbom člana 2.3 Izbornog zakona, za člana OIK ne može biti imenovana osoba:

1. koja se ne može kandidovati u smislu odredbi člana 1.6, 1.7 i 1.7a Izbornog zakona;
2. koja je član najvišeg izvršno-političkog tijela političke stranke ili koalicije (predsjednik, potpredsjednik, glavni sekretar, sekretar ili član izvršnog odbora ili glavnog odbora);
3. koja je nosilac izabranog mandata ili je član izvršnog tijela vlasti, osim u slučajevima predviđenim članom 2.12 stav (4) Izbornog zakona;
4. koja je kandidat za izbore za bilo koji nivo vlasti i
5. kojoj je izrečena kazna za radnju koja predstavlja težu povredu izbornih zakona ili propisa za koju je osobno odgovorna, u posljednje četiri godine, računajući od dana pravomoćnosti odluke.

VII

U skladu s odredbom člana 2.12 stav (7) Izbornog zakona, član OIK ne može biti zastupnik, odnosno punomoćnik političkog subjekta, koji učestvuje na izborima, ili lice koje je pravomoćnom sudskom presudom osuđeno na kaznu zatvora u trajanju od šest mjeseci ili duže.

VIII

Prilikom prijavljivanja na Javni oglas, kandidati su dužni dostaviti sljedeću dokumentaciju:

1. prijavni obrazac sa kontakt podacima podnosioca prijave i listom dostavljenih dokumenata (obrazac prijave na javni oglas za imenovanje dva člana Općinske izborne komisije Trnovo koji je sastavni dio ovoj javnog oglasa, kandidati mogu dobiti u zgradi Općine Trnovo, Trnovo 26., kao i na WEB stranici Općine Trnovo www.trnovo.ba) svojeručno potpisan od podnosioca prijave;
2. kraća biografija podnosioca prijave;
3. dokaz o stručnoj spremi kandidata (ovjerena kopiju diplome o stečenoj stručnoj spremi, nostrifikovanu-priznatu diplomu ukoliko fakultet nije završen u Bosni i Hercegovini, uključujući i diplome stečene nakon 06.04.1992. godine, u nekoj od država nastalih raspadom SFRJ, a u skladu sa propisima nadležnog organa koji vrši nostrifikaciju-priznavanje inostranih diploma);
4. dokaz o izbornom iskustvu podnosioca prijave, koji mora da sadrži podatke o nazivu izborne komisije i mandatnom periodu, odnosno vrsti i godini izbora i nazivu biračkog mijesta, u kojem je imenovani kandidat bio član biračkog odbora, te podatke da je kandidat bio angažovan u radu biračkog odbora i

- obavljao ovu dužnost;
- 5.dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama u organizaciji Centralne izborne komisije BiH ukoliko je kandidat za dodatno bodovanje;
- 6.izjavu o nacionalnom izjašnjenju kandidata sa posljednjeg popisa stanovništva u BiH, svojeručno potpisana i ovjerena kod nadležnog organa;
- 7.obrazac PBA -3 o prebivalištu podnosioca prijave ne stariji od tri mjeseca od dana izdavanja od strane nadležnog organa;
- 8.izjavu o nepostojanju smetnji iz člana član 2.12. stav (7) Izbornog zakona BiH), odnosno da osoba koja je kandidat za člana Općinske izborne komisije Trnovo nije zastupnik, odnosno punomoćnik političkog subjekta, koji učestvuje na izborima ili osoba koja je pravomoćnom sudskom presudom osuđena na kaznu zatvora u trajanju od šest mjeseci ili duže, svojeručno potpisanu i ovjerenu od strane nadležnog organa;
- 9.izjavu o nepostojanju smetnji iz člana 2.3. Izbornog zakona, svojeručno potpisanu i ovjerenu od strane nadležnog organa;(prilog 5. Uputstva)
- 10.popunjen upitnik Centralne izborne komisije BiH.

IX

Prijavni obrazac dostupan je na web stranici Općine Trnovo, uz Javni oglas. Nepotpune i neblagovremene prijave neće biti uzete u razmatranje. Javni oglas ostaje otvoren 8 (osam) dana od dana objavljivanja, u listu Oslobođenje. Prijave se mogu dostaviti preporučenom poštom ili lično na protokol Općine. Prijave dostaviti u zatvorenoj koverti na adresu:

OPĆINA TRNOVO
OPĆINSKO VIJEĆE
KONKURSNA KOMISIJA
71223 Trnovo
Trnovo 36

sa naznakom

“JAVNI OGLAS ZA IMENOVANJE DVA ČLANA OPĆINSKE IZBORNE KOMISIJE TRNOVO- NE OTVARAJ“